

Skýrsla af 109. þingi Alþjóðavinnuálastofnunarinnar (ILO)

Genf 2021

Þingið var vegna Covid-19 haldið að stofni til rafrænt og í tvennu lagi, með talsmenn og stjórnendur þó stadda í Genf í húsnæði ILO.

Stjórnarkjör o.fl.

Á þinginu var kjörin ný stjórn ILO til þriggja ára. Norðurlönd endurheimtu aðalsæti sitt í stjórnarnefnd með kjöri Magnúsar M. Norðdahl fyrir tímabilið 2021-2024. Norðurlönd misstu sætið þegar Ulf Edström (Svíþjóð) gekk úr stjórnarnefndinni árið 2008 og Trine Lise (Noregur) og Jens Erik (Danmörk) voru kjörin varamenn í næstu kosningum af lista ITUC, við mótmæli frá norrænu sendinefndunum. Nú hefur þetta breyst. Magnús var jafnframt skipaður í nefnd um félagafrelsi, nefnd um endurmat Samþykktta og skipaður talsmaður launafólks í málefnum starfsfólks og mannauðsstjórnunar innan ILO. Magnús tók sæti í stjórnarnefndinni þegar Jens Erik gekk úr nefndinni árið 2019 og kom í hans stað út kjörtímabilið, en því lauk 2020. Kjörtímabilið var svo langt til ársins 2021 þar sem þingi ILO var aflýst. Þetta er því fyrsta kjörtímabil hans sem kjörinn meðlimur í stjórnarnefnd. Á þinginu var Ísland jafnframt kjörið á varamannalista ríkisstjórnanna til eins árs en það er í fyrsta sinn sem stjórnvöld hér taka þá stöðu.

Á fyrsta fundi nýkjörinnar stjórnar ILO var Anna Jardfelt Melvin, sendiherra Svíþjóðar kjörinn formaður stjórnar og þær Renate Hornung-Draus (Atvinnurekendur) og Catelene Passchier (Launafólk) kjörnar varaformenn. Í fyrsta sinn í sögu ILO skipa konur þessar stöður á sama tíma.

Megin málefni og niðurstöður

1. [Almenn umræða um ójöfnuð og heim vinnunnar.](#)
2. [Almenn umræða um hæfni og símenntun.](#)
3. [Félagsleg vernd – regluleg umræða og endurmat.](#)
4. [Nefnd um framkvæmd alþjóðasamþykktta.](#)
5. [Viðbrögð við Covid-19.](#)

Félagsleg vernd – regluleg umræða og endurmat.

Magnús M. Norðdahl, lögfræðingur ASÍ, var kjörinn til þess að leiða samninganefnd launafólks í nefnd þingsins um Velferð og félagslega vernd. Niðurstöður nefndarinnar ítreka mikilvægi opinberrar velferðarþjónustu á sviði heilbrigðis og félagsmála, gefa ILO umboð til þess að efna til og taka þátt í samstarfi við aðrar alþjóðlegar stofnanir á þeim grundvelli og heimila ILO að taka þátt í samstarfi um stofnun sérstaks alþjóðlegs Velferðarsjóðs sem fái það hlutverk að byggja upp lágmarks velferðarkerfi í þróunarlöndunum. [Sjá nánar.](#) Sjá einnig [frétt](#) á vef ASÍ og [viðtal](#) á heimasíðu ILO.

Genfarskólinn

Genfarskólinn, er skóli á vegum norrænu verkalýðshreyfingarinnar sem haldinn er í tengslum við þing Alþjóðavinnuálastofnunarinnar og starfaði að venju með miklum krafti. Íslensku þátttakendurnir tóku virkan þátt í starfi skólans ásamt öðrum nemendum frá hinum Norðurlöndunum. Nemendur fylgdust með störfum mismunandi nefnda í gegnum fjárfundarbúnað þingsins, fengu fyrirlestra um starfsemi ILO og samstarf við aðrar alþjóðastofnanir. Nánari upplýsingar um Genfarskólann er hægt að finna á meðfylgjandi slóð:

[Genfarskólinn](#)

Júní 2021 / Magnús M. Norðdahl